




Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055

UNITÉ PASTORALA



VAL BADIA

www.unitepastorala.org

Ann C

12.01.2025 - 19.01.2025 - FESTA DAL BATO DE
GEJÚ

n. 7

La forza che vëgn dal alt

📖 Is 40, 1–5.9–11 | Titus 2, 11–14; 3, 4–7 | Lc 3, 15–16,21–22

Dal Vangele do San Lüca:

Te chël tēmp ¹⁵ê le popul plēgn d'aspetanza y dūc ponsâ sura tl chît sce Jan n'ê mine forsc instēs le Messia. ¹⁶Mo Jan ti respognô a dūc: Iö ves batiëii cun ega mo al nen vëgn un che é plü gaiert co iö, y iö ne sun nia dēgn de ti desciolè i cialzà. Èl ves batiarà cun Spirit Sant y cun fūch. ²¹Deboriada cun döt le popul s'à incè Gejù lascè batié. Y tratan ch'al periâ, s'à daurì le cil ²²y le Spirit Sant é gnü jö sön ël, che ê da odèi tla forma de na colomba, y na usc dal cil dijô: Tö es mi Fi bunorü, en tè ài ciafè plajëi.



ANTIFONA

Do le bato de Gejù s'à daurì le cil, y al odô le Spirit de Dî sciöche na colomba gnon jö sön ël. Y la usc dl Pere à dit dal cil: Chësc é mi Fi bunorü te chël ch'i à ciafè plajëi.

📖 *Letöres dla 2. domënia ia por l'ann:*
Is 62, 1–5 | 1 Cor 12, 4–11 | Jan 2, 1–11

Edema liturgica dai 12.01. ai 19.01.2025

| 2024 | Ora | Mëssa |
|--|-----------------------------|---|
| FESTA DAL BATO DE GEJÚ 12.01.2025 <i>Tatiana, Tanja, Hilda</i> | 9:30 10:00 | Corona Zelebrazium dla Parora de Dî |
| LÖNESC - 13.01.2025 <i>al met man le tomp ia por l'ann Hilarius, Remigio, Gottfried</i> | | 7.30 - S.M. a Lungiarü 19.30 - S.M. a La Plí |
| MERTESC - 14.01.2025 <i>Felix da Nola, Rainer</i> | 9:00! | S.Mëssa di scolari <i>letur: scora</i> + Celestina Unterweger ++ Clara y Edith Prousch |
| MERCUI - 15.01.2025 <i>Romedius da Thaur, Arnold Jansen, Maurus</i> | | --- |
| JÖBIA - 16.01.2025 <i>Teobald, Marzelin, Ulrich</i> | | 7.30 - S.Mëssa a Rina |
| VËNDRES - 17.01.2025 <i>De dal dialogh danter Cristians y Iüdes</i> <i>S.Antone abat</i> <i>Patron dla ploania</i> | 9:00 9:30 | Corona S.Mëssa da festa <i>Siur Klaus</i> en onur de S.Antone abat, cun benedisciun sön tiers, stala y majun |
| SABEDA - 18.01.2025 <i>al met man l'edema d'oraziun por l'unité dai cristians (18. - 25.1.) Regina, Prisca</i> | | 18.00 - S. Mëssa prefestiva a Al Plan |
| 2. domënia ia por l'ann - 19.01.2025 <i>Marius y 3 compagns, Heinrich</i> <i>Oferta por la dlijia</i> | 9:30 10:00 | Corona <i>Don Marco</i> S.Mëssa por la comunité + Loise Miribung Castlunger + Hilda Siller Erlacher (dla uniun) ++ Alfred y Maria Winkler |

Mësses a San Martin:

Dom 10.00

Dedol 8.00

Sab 18.30

Dom 10.00



Informaziuns y terminns

SANT ANTONE – 17.01.2025

9.00 Corona

9.30 Mëssa da festa - I ciafëis n simbol dl Sant da taché sön le guant

dedô val' de cialt y poscibilité da marné tl salf dles manifestaziuns

- 14.00 Batadú tl salf dles manifestaziuns cun de bi pesc - Ola dla fortüna - les entrades vá a bëgn dla dlijia d'Antermëia.

Tolesse dlaurela da gní a rengrazié, festejé y veneré deboriada l'Patron de nosta Ploania. Nosta jënt plü de tēmp tignî y tēgn dēr tröp sön la proteziun de S.Antone!

En chësc ann oréssun to l'ocajun **da invié nüsc berbesc y nostes mëdes da 80 agn insö**, ia te salf dles manifestaziuns a marëna! I ves aspetun.



Le Consëi de cöra

3 Resc: dal Aziun di Trëi Resc el jü ite la bela soma de **2.245,69 € !!** N bel dilan ai mituns y a les mitans che é jüs da ciasa a ciasa a cianté, a Ines por i avëi insigné jö, a Lidia y Georg che i á acompagné, al consëi de cöra por i sac. N bel dilan a düc de osta oferta por les Misciuns !!

Racoiöda dl refodam da tosser en dedolönesc, 14.01.2025 dales 12.00 ales 13.00 tl magazin di Stödafüch a Antermëia.

Comun - I sac vërc por le ciomënt y i sac por le refodam bio (che an ciafará debann) é da ciafé te comun dai 13 ai 24 de jená 2025 tratan l'orar de daurida di ofizi.

Sessiun forestala por i comuns de Mareo, San Martin y La Val, en dedemesaledema ai 15 de jená ales 20:00 tal salf dal Istitut Ladin Micurá de Rü a San Martin.




La **Uniun di Seniors da San Martin y Antermëia** inviëia düc chi y dötes chères da 60 agn insö en domënia, ai 19 de jená, dales 11.30, tl salf dla refeziun a San Martin ala reuniun generala dla uniun y a marëna.

Sce valgügn ess val' informaziun o fotografia che podess gní metöda ite tla cronica Sas dla Crusc 2024 pói la mené por e-mail a carlo.plazza@hotmail.com.

Le **Museum Ladin Ciastel de Tor** inviëia a n laboratore de filigrana cun Liana Scarano en sabeda, ai 01.02 dales 13:00 ales 19:00. Tl workshop Ves vëgnel splighé le monn affascinant dla filigrana. Ne impararëis nia ma la basa dl'ert da belijier, mo arëis ince la poscibilité da porvé fora instësc les tecniches dla filigrana. Cun massaries desvalies sciöche tenaies, zanges, limes y d'atri stromënc imparëis da cherié toc de belijia daldöt personalisá. L'ert dla filigrana cun arjënt é n mistier dl artejanat artistich significatif por les valades ladines, pratiché en particular a Cortina d'Ampëz, dala fin dl XIIXejim secul inant. L'imitaziun estremamënter fedela de ciüfs sciöche la stëra de munt, les anemones y confolies decorâ y decorëia ciamó incö spanges, prosc y ciori de trohtes tradizionales. La tecnica secolara dla filigrana vëgn ince ciamó aldedanicö adorada por la creaziun de toc de belijia d'arjënt. Le curs costa 50€/porsona, max. 6 partezipanc/tes. Periun de na prenotaziun por mail a prenotaziuns@museumladin.it o por telefon a 0474 524020.



*Gott ist ein Gott der Festtage
und der Alltage, ein Gott der
Trauer und der Freude, ein Gott
der Armut und des Reichtums.
Und in allem habe ich ihn nötig.*

| | | |
|---|---|--------------------------------------|
|  | 14.01.2025 | Maximilian - Annalena |
| | 19.01.2025 | Moritz – Paul – Maximilian - Gabriel |
|  | 19.01.2025 | Giovanna Rubatscher |
|  | Les mius aodanzes por le compliagn ti fajunse a Kircher Antonio (88) y Planatscher Irma (84). Döt le bun. | |

Impressum:
Comunicaziuns:
Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | o tel. 3803520465
www.unitepastorala.org | www.comun.sanmartindetor.bz.it